


**KOMMUNIMUT PILERSAARUMMUT TAPILIUSSAQ 2B2-3, Qeqertat
Nuuk, Umiarsuarnut Containerersortunut umiarsualivik**

Juuli 2014



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Anlægs- og Miljøforvaltningen

Kommunimut pilersaarummut tapiliusseq sunaava?

Ingerlaavartumik kommunimut pilersaarusiortoqartarpoq taamaattumillu Pilersaarusiortarneq pillugu inatsit (*Pilersaarusiortarneq nunaminertanillu atuneq pillugit Inatsisartut inatsisaat nr. 17, 17. novembari 2010-imeersoq*) naapertorlugu aamma pisariaqartitsineq naapertorlugu kommunalbestyrelse kommunimut pilersaarummik nutarterisussaataavoq. Taamatut nutarterineq kommunimut pilersaarummut allannguinerik ilassutissanilluunniit attuumassuteqartunik ingerlaavartumik tapiliussaliornikkut pisarpoq.

Taamaalilluni kommunalbestyrelse sukulluunniit kommunimut pilersaarummut tapiliussaliorsinnaavoq, tamatumani nunaminertat atornerqarnerat sanaartorfigineqarnerallu pillugit sukumiinerusumik aalajangersagartalimmik. Tamatumali saniatigut kommunalbestyrelse sukumiisunik aalajangersagartalimmik kommunimut pilersaarummut tapiliussaliortussaataavoq:

- Nuna tamakkerlugu pilersaarusiortarnerup aamma kommunimi pilersaarutip piviusunngortinneqarnissaat pisariaqartinneqalerpat.
- Sanaartukkanut anginerusunut pingaaruteqarnerusunulluunniit nunaminertanik atugassiisoqannginnerani.
- Sanaartukkanik annertunerusunik pingaaruteqarnerusunilluunniit isaterisoqalersinnagu.

Kommunimut pilersaarut marlunnik immikkoortortarpoq, *nassuiaatitaa ileqqoreqqusartaalu*.

- ***Nassuiaatitaa*** pilersaarummi siunertanik aamma inatsisitigut sunniutinik aamma pilersaarut sumiiffik pillugu pilersaarusanut allanut sanilliullugu qanoq inissisimaneranik imaqarpoq.
- ***Ileqqoreqqusartaa*** aalajangersakkanik pilersaarusiortarnerup piviusunngortinneqarnerani malinneqartussanik imaqarpoq. Aalajangersakkat aalajangersakkanut pingaarnertut sukuimiisunullu agguataagaapput. Aalajangersakkat tamarmik inatsisitigut pituttuisuupput, taamaattorli immikkut ittumik pisoqartillugu sukumiisumik aalajangersakkanit immikkut ittunik akuersissuteqartoqarsinnaasarpoq. Tamatuma saniatigut ileqqoreqqusartaa nunap assinganik pituttuisuusumik imaqarpoq.

Tamanut nalunaarut

Inaarutaasumik atuuttuulersinneqarluni 29.10.2014-imi tamanut nalunaarutigineqassaaq.

Pilersaarut sumi atuarneqarsinnaava?

Pilersaarut Nunatta Atuagaasiviani imaluunniit kommunip nittartagaani, www.sermersooq.gl, atuarsinnaavat imaluunniit kommunimi innuttaasunik sullissivimmut imaluunniit Sanarfinermut Avatangiisinullu Ingerlatsivimmut, Imaneq 20, 3900 Nuuk, oqarasuaat 36 74 31, saaffiginnikkut pissarsiarisinnaavat.

IMARISAI

	ATUARTUSSAMUT ILITSERSUUT	2
	IMARISAI	3
1.	NASSUIAAT	4
	Siunertat tunngaviillu	4
	Tunuliaqutaasoq	5
	Avatangisiinut suniutaasinnaa- sunik misissuineq (VVM)	6
	Pissutsit pioreersut	8
	Pilersaarummi pingaarnert	10
	Sumiiffiit A-E sanaartukkallu	11
	Aqqusinertigut angallannermi pissutsit	13
	Ikaartarfiit	14
	Pilersaarummut allamut tunngatillugu inissisimanagera	15
	Inatsisitigut sunniutit	18
2.	AALAJANGERSAKKAT	
	Aalajangersakkat pingaarnert	20
	Sukumiisumik aalajangersakkat	23
3.	AKUERSISSUTEQARNERMI ATSIORNERIT	26
	ILANNGUSSAT	1-4

NASSUIAAT

Matumuuna kommunalbestyrelsen "Kommunimut pilersaarummut tapiliusseq 2B2-3, Qeqertat, Nuuk, Umiarsuarnut containerersortunut umiarsualivik", inaarutaasumik atuuttusseq saqqummiuppaa.

Sumiiffik Nuummi Nuussuarmiittoq inuussutissarsiuteqarfittut umiarsualiveqarfittullu atugassiissutaavoq. Sissap kangisissortaa immigaavoq taannalu ullumikkut assigiinngitsunik inaalitsivittut atorpeqarpoq.

Siunertat tunngaviillu

Pilersaarummut tapiliussami siunertarineqartut:

- Siunissami ungasinnerusumik umiarsualiveqarfimmik alliliortornissani ataqatigiittoqarnissaa.
- Umiarsuarnut containerersortunut umiarsualivimmut nutaamut nunaminertanik atugassiisoqassasoq.
- Inuussutissarsiuteqarfinnut inaalitsinernillu ingerlatsisunut aamma sullissisunut umiarsualivimmut attuumassuteqartunut nunaminertanik atugassiisoqassaaq.
- Angallatinut nuannaariartaatinut umiatsialiviup allineqarsinnaanera qulakkiissallugu.
- Sumiiffiup avannaa'tungaani inuussutissarsiuteqarfimmut Pukuffimmut ikaartarfiliisoqassasoq.
- Qeqertani kujallerni inuussutissarsiuteqarfinnut nutaanut immeeqqittoqarsinnaassasoq.



Fig. 1. Umiarsualivissap nutaap takutinneqamera. Ramboll

Tunuliaqutaasoq

Nuummi maannakkut umiarsualiviusoq tassani suliarpassuarnut mikivallaalersimavoq. Umiarsualivik tattoqisaannarpallaalersimavoq aamma maannakkut suliffeqarfiusut allilerinissaminnut periarfissaqanngillat. Tamanna ingammik Royal Arctic Linemut atuuppoq. Aammattaaq umiarsualivimmi aqqusinertigut angallannerit iluarpallaanngillat, tassami umiarsualivimmut attuumassuteqarlutik angallattut aamma tamat angallattut akuleriiaartarmata.

Assartuussisarneq pillugu ataatsimiititaliarsuarnut kingullermik 2011-imi januaarimi Qeqertani umiarsuarnut containerersortunut nutaamik umiarsualiviliortoqassasoq siunnersuutigineqarpoq. Tamatuma saniatigut ukiorpassuarni arlalippassuarnik ajornartorsiutinik qulaajaasunik nalunaarusiortoqartarsimavoq. Tassunga ilanngullugit:

- Nuummi umiarsualiviit pillugit ataatsimoortumik pilersaarut, juuni 2004, taanna Nuup Kommuneanit NIRAS suleqatigalugu suliarineqarpoq
- Qeqertaq Avallermi umiarsuarnut containerersortunut umiarsualivik nutaaq, augusti 2006, Namminersornerullutik Oqartussanit aamma Nuup Kommuneanit suliarineqartoq.
- Assartuussisarneq pillugu ataatsimiititaliarsuup isumaliutissiissutaa, januaari 2011, Namminersorlutik Oqartussanit suliarineqartoq.
- Umiarsuarnut containerersortunut nutaamik umiarsualiviornissaq, oktobari 2011, Inuplanimit suliarineqartoq.



Fig. 2. Umiarsuarnut containerersortunut umiarsualivioreersoq aamma PolarOilip tankiussui

14
Selskabet, Departementet for Miljø og Natur (APN)
Dato
November 2013

UDVIDELSE AF HAVNEN
I NUUK
VVM-REDEGØRELSE



Fig. 3 Saqqaa, VVM
Nalunaarusiaq

Avatangiisinut sunniutinik nalilersuinerit, VVM

Umiarsuarnut containerersortunut nutaamik umiarsualiviliornissamut pilersaarusionermi umiarsualivissap sumiiffimmi avatangiisinut sunniutigisinnaasai Namminersorlutik Oqartussat nalilersortissimavaat.

Nuummi nutaamik umiarsualiviliornissaq "Avatangiisinut sunniutaasussanik nalilersuineq" pillugu Namminersorlutik Oqartussat nalunaarutaat nr. 2, 27. Marsi 2013-imeersumut ilaatinneqarmat avatangiisinut sunniutaasussanik nalilersuisoqartussaavoq. Tamatuma saniatigut umiarsualiviliassaq "Pinngortitamik illersuineq pillugu Inatsisartut inatsisaat nr. 29, 18. decembari 2003-imeersumut" aamma "Avatangiisit innarlitsaaliorneqarnissaanik Inatsisartut inatsisaat nr. 9, 22. novembari 2011-imeersumut" ilaatinneqarmat pinngortitamut sunniutaasinnaasut pillugit nalilersuisoqassaaq.

Umiarsualiviliorneq Nuummi aqqusinertigut angallannermi annertuumik allannguutaasussaammat allannguutit tamakku apuuffissamut apuussinnaassutsimut, nipiliornermut siammarterinermillu ajornartorsiutitaqalersinnaanersut nalilersuiffigineqarput. Umiarsualivik illoqarfiup ilarujussuaniit takuneqarsinnaavoq taamaattumillu umiarsualivimmik tassungalu aqqusinernik takussutissiisoqarpoq. Umiarsualiviliorneq aqquserniornerlu nipiliortitsinernik siammarterinermillu kinguneqassapput taamatullu sunniutit aamma misissuiffigineqassapput. Kiisalu pinngortitamut, imikumut, nunap qaani imermut, eqqakkanut, silamut, immami angallannermut il.il. sunniutaasinnaasut misissuiffigineqarput nalilersuiffigineqarlutillu.

Avatangiisinut sunniutaasinnaasunik misissuinermit annikitsunik iluaqutaasinnaasunik iliuseqartoqarpat umiarsualiviliortoqarsinnaasooq aamma umiarsualivik avatangiisinik annertunerusumik sunniutitaqanngitsumik ingerlanneqarsinnaasooq inerniliunneqarpoq.

Avatangiisinut sunniutaasinnaasunik misissuinerit piffissami 2013-imi decembarip ulluisa 19-ianiit 2014-imi februaarip ulluisa 20-ata tungaanut tamanut tusarniaassutigineqarput aamma 2014-imi januaarip ulluisa 16-iani Katuami tamanik ataatsimiisitsisoqarpoq. Piffissami tusarniaaffiusumi kikkut tamat avatangiisinut sunniutaasinnaasunik misissuinerit pillugit nalunaarusiaq.

Sunniutaasussanik Nalilersuinermit (VVM) nassuiaat inaarutaasumik akuersissutigineqarnissaanut Naalakkersuisuinut nassiunneqarpoq.

Pissutsit pioreersut

Qeqertat pingasunik qeqertartaqarput, taakkunani avannarleq nunavimmut atavog aammalu inuussutissarsiteqarfittut atugassiissutaalluni, figur 5 takuuk. Sissap kangia ´tunga ullaqqut containerinik umiatsianillu inaalitsivittut atorpeqartoq immigaavoq.



Fig. 4 Umiarsualiviup takutinneqamera

Immikkoortup ilaani tassani sanaartukkat, ilaatigut sodavandiliorfik "Nuuk lmeq" aamma suliffeqarfiit sullissinernik ingerlatsisut arlallit kisimiillutik napapput.

Aqqusinermit Qeqertanut aqqusineeraq qeqertap avannarliup kujammut isuanoortuuvoq tassaniiporlu tankeqarfik mikisoq umiatsiaaqqanut angallatinullu mikinerusunut puttasulik. Tankkioskeqarpoq inersuaqarlunilu umiatsianik tuniniaavittalimmik.

Qeqertat kujalliit marluk qaarsuinnaapput immamiillu 20 meterit missaannik portussuseqarlutik aamma Qeqertaq Avalleq marlunnik naaralaartitsiveqarpoq.

Sumiiffiup kujammut kangia ´tungaaniippoq pilersaaruteqarfiusoq 2B4-1, taanna eqqakkanut tamakkunungalugu assingusunut palitsikkuutaanut eqqagassaasiviugallartutut atugassissuutaavoq.



Figur 5. Pissutsit pioreersut

Kommunimut pilersaarummut tapiliussamik matuminnga akuersissuteqarnikkut illoqarfiup ilaanut pilersaarut tamarmiusoq atorunnaarsinneqassaaq, tassami tassani aalajangersakkat ilaat kommunimut pilersaarummut tapiliussamut matumunnga ilanngunneqartussaammata.

Nuup Imeq-rup avannaaniippoq immikkoortup ilaa **2E3**, taannalu napparussuarnut tranformatoriisivinnullu atugassiissutaavoq.

Avatangiisit

Angallatinut nuannaariartaatinut umiatsialivik Iggiaa Nuussuup Qeqertallu immikkoortup ilaaniippoq. Qeqertat nammineequeq Nuussuarmit, Fiskerbyenimiit, Umiarsualivimmiit Qinngutsinniillu ersarissorujussuupput.



Fig. 6. Naluttarfimmit Malimmit isikkivik

PILERSAARUMMI PINGAARNERIT

Nunaminertaq annertoorujussuaq nutaaq inuussutissarsiuteqarfinnut umiarsualivimmullu siunertanut atugassiissutigineqassaaq. Qeqertaaqqat siusinnerusukkut 2B2-p aamma 2D2-p kitaa´tungaata kiisalu 3E1-ip kuja´taangaata ilagisimasaat 2B2-3-mut ilanngunneqassapput. Angallatinut nuannaariartaatinut umiatsialiviup allineqarsinnaanera qulakkeerniarlugu sumiiffik D siunertanut tassunga atugassiissutigineqarpoq, figur 9 takuuk.

Atuineq

Sumiiffiup atorneqarnissaa inuussutissarsiutinut umiarsualivimmullu siunertaqartunut aalajangersaaffigineqarpoq.

Sumiiffiup killeqarfilersorneqarnera

Immikkoortup ilaata killeqarfilersorneqarnera figur 7 aamma figur 8-imi takutinneqartut nallimassarneqartariaqarsimavoq.



Fig. 7. Siusinnerusukkut immikkoortup ilaata killeqarfilersomeqamera, 53 ha.



Fig. 8. Immikkoortup ilaata nutaamik killeqarfilersomeqamera, 133 ha.



Fig. 9. Sumiiffiit A-E

Detailområderne A-E og bebyggelse

Kommunimut pilersaarummut tapiliussami immikkoortunut pilersaaruteqarfiusoq immikkuualuttut A-mut E-mullu immikkoortiterneqassaaq, takuuk takussutissiaq 9.

Sumiiffinni tamani immikkut ittumik mingutsitsisoqarsimasinnaavoq, "Avatangiisit illersorneqarnissaat pillugu Inatsisartut inatsisaat nr. 9, 22. novembari 2011-meersumi kapitali 5 t".

Immikkoortoq A

Sumiiffik taanna ullumikkut pinngortitatut attorneqarsimanngitsutut isikkoqarpoq. Sumiiffik tullinnguuttunut ukununnga atugassiissutaavoq:

- Talittarfik immikkoortukkuutaarlugu allilertiterneqarsinnaasoq
- Allaffik nassiussanullu illorsuaq
- Inuussutissarsiutit umiarsualivimmut attuumassuteqartut, soorlu sannaviit illorsuillu
- Fyrø-mi sanaartorfissaq

Immikkoortoq B

Avannaa'tungaani tullinnguuttunut ukununnga nunaminertamik atugassiissoqarpoq:

- Inaalitsivik
- Inuussutissarsiuteqarfik

Sanaartorfissanik kujallernik 5 aamma 6-imik piviusunngortitsiniaraanni imartamineq immerneqartariaqarpoq, ilanngussaq 3 takuuk.

Immikkoortoq C

Ullumikkut assigiinngitsunik inuussutissarsiuteqarfeqarpoq inaalitsiviullunilu. Sumiiffik taanna inissaaruppoq.

Immikkoortoq D

Sumiiffik taanna attaveqaatinut atortunut siunissamilu umiatsianut nuannaariartaatinut umiatsialiviup Iggiaata allineqarnissaanut atugassiissutigineqarpoq.

Immikkoortoq E

Sumiiffik taanna sapsiatut ikaartarfittullu ittunik, ikaartarfiup umiarsuarnut containerersortunut umiarsualivik nutaaq inuussutissarsiuteqarfimmut "Pukuffimmut" attavilissavaa, attaveqaatinut atortunut atugassiissutaavoq.

Tamatuma saniatigut ujaqkerivitoqqami, tankeqarfissamut, sanaartorfissanngortinneqassaaq nr. 12, takuuk ilanngussaq 3.



Fig. 10. Aappaluttoq:
 Qamutit motorillit oqimaatsut
 Sungaartoq: Pisuinnaat /
 sikkilertut
 Qaqortoq: Putorsuaq

Aqqusinertigut angallannermi pissutsit

Nuussuup ataani putorsuup ataasiinnarmik aqqusinertallip 400-rtalimmik Qeqertanut attaviliisup imaluunniit aqquserngit Sorlaat aamma Iggiaanut qamutinit motorilinnit oqimaatsunit angallaffigissallugit naleqqutinngillat. Aqqusinertigut angallannerit ataqatigiissunngortinniarlugit Borgmester Anniitap Aqqusernata Qeqertallu akornanni Pukuffikkut nutaamik ikaartarfiliortoqartariaqarpoq. Taamaalilluni illoqarfimmi aqquserngit angallaffiunerpaat arlallit soorlu Eqalugalinnguit aamma Peter Thårup Høeghip Aqqutaa oqilisaaffigineqassapput, sunniuteqassaarlu illoqarfimmi aqquserngit qajannaannerusut pilersinneqassammata siunissamullu qularnaarneqarlutik. Tamanna ilutigalugu qamutinit motorilinnit oqimaatsunit Nuussuarmi inissiat meeqqeriviillu mianernartut ungaqqunneqartassapput, soorluttaaq Qinningutta Nuullu akornanni attaveqaatit nukittorsarneqassasut, Takussutissiaq 10 takuuk.



Fig. 11. Aqquserngit taaguutaat

Umiarsualivimmiit Pukuffimmut ikaartarfik

Umiarsualivimmiit nutaamiit immikkoortoq E-mi Pukuffimmut ikaartarfiliineq umiarsualivimmi, umiatsialivimmi Iggiaani naluttarfimmilu Malimmi ulluinnarni ingerlatsinernut sunniuteqarujussuartaavoq.

Ikaartarfiulersussami piumasaqaatit tullinguuttut makku naammassineqarsinnaanissaat kommunalbestyrelsimit kissaatigineqarpoq:

- Titartarneqarnermigut ingeniorinillu suliarineqarnermigut pitsaalluinnartuussasoq
- Ikaartarfiup qullilersorneqarnera taassuma ilusilersorneqarnerata ilaatut ilanngunneqassaaq
- Angallatit nuannaariartaatit misigisaqarluarnartumik akornuteqanngitsumillu ataaqussinnaassasut
- Upernaakkut sikup aserorternissaanut isumatusaartumik periarfissat Ikaartarfiup takissusaata qularnaassavaa.

Ikaartarfiup inaarutaasumik titartagartaa kommunalbestyrelsimit akuerineqassaaq.



Fig. 12. Ikaartarfissap inissisimaffissaa



Fig. 13. Norgemi Moldep Kristianssundillu akomanni ikaartarfik



Fig. 14. Irtanimi ikaartarfik Toome Bridge

Pilersaarummut allamut sanilliullugu inissisimanera

Nuna tamakkerlugu pilersaarusiorneq

Pilersaarummut tapiliussaq nuna tamakkerlugu pilersaarusiornermut naapertuuppoq.

Qanganitsat

Sumiiffimmi qanganisaqarnersoq Kommuneqarfik Sermersuumi ilisimaneqanngilaq. Sumiiffimmi nunagissaanerit Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maaji 2010-imeersumi aalajangersaaffigineqarpoq.

Kommunimut pilersaarut

Pilersaarummut tapiliussaq Kommuneqarfik Sermersuumi Kommunimut pilersaarummut ilaatinneqarpoq pilersaarummilu tassani ilutsini pingaarnerni sumiiffik Inuussutissarsiutinut umiarsualiveqarfimmullu atugassiissutaavoq.

Immikkoortup ilaata figur 7 aamma 8-imi takutinneqartutut killeqarfia nalimmassarneqartariaqarsimavoq.

Avatangiisit pillugit iliuusissatut pilersaarut

Sumiiffimmi assaatilluni tamassuminnga mingutsitsissagaanni tamanna pillugu Kommuneqarfik Sermersuumi Avatangiisinut Piujuartitsinermullu immikkoortortaqaqarfimmiut ingerlaannaq ilisimatinneqassapput. Avatangiisinik mianerinnilluni eqqakkaanik suujunnaartitsinerit, assersuutigalugu nunamik uuliamik mingutsinneqarsimasumik, kommunimi eqqagassalerineq pillugu malittarisassat suliassaqaqarfillu pillugu inatsisit atuuttut malillugit pissaaq.

Teknikkikkut pilersuutit

Sanaartukkat nutaat pisortat innaallagissamut, imermut, kuuffissuarnut imermillu pilersuutaannut attavilerneqassapput.

Innaallagissamut, imermut, kuuffissuarnut kissamullu aqquitit nunap iluatigoortinneqassapput.

Sumiiffimmi teknikkikkut atortulersuutininik soorlu sumiiffimmi najugaqartunut pilersuutininik transformatoriisivinnik inissiisoqarsinnaavoq. Transformatoriisiviit Nukissiorfiit Kommuneqarfik Sermersoorlu siunersiorlugit ilusilersorneqassapput inissinneqarlutillu.

Kiassarneq

Sumiiffimmi kissamik pilersuutit Nukissiorfinni malittarisassat malillugit aalajangersarneqassapput.

Kuuffissuarlersorneq

Illut imikoq pillugu pilersaarut naapertorlugu pisortat kuuffissaataannut attavilerneqassapput.

Imeq nunap qaaniittoq kuuffissuarnut kuutsinneqassanngilaq kisianili sumiiffimmi sanaartukkanut, aqqusineeqqanut, aqqusinernut nunaminertanullu sanaartorfigineqanngitsunut ajoqutaanngitsumik kussiamut kuutsinneqassalluni.

Eqqagassalerineq

Sumiiffik Kommuneqarfik Sermersuumi eqqagassalerineq pillugu aaqqiinnermut sukkulluunniit atuuttumut ilaatinneqarpoq.

Aputaajaaneq aputinillu assartuineq

Sumiiffinni A-E-mi aqqusinernik, biilnik inissiisarfinnik, aqqusineeqqanik nunaminertanillu sanaartorfigineqanngitsunik aserfallatsaaliuinissaq siunertaralugu piginnittut peqatigiiffiliussapput. Tamanna pillugu piginnittut peqatigiiffiat nammineq malittarisassiorsinnaavoq. Aputit kangerlummut kuerarneqassapput. Inaarutaasumik inissiineq Kommuneqarfik Sermersooq peqatigalugu ataqatigiissaarneqassaaq.

Sanaartorfigissaanernut aningaasartuutit

Sumiiffimmi sanaartorfigissaanernut aningaasartuutit peqataasunut agguataarneqarnerat immikkut ittumik akiliisarnerit pillugit ileqqoreqqusami allassimassapput.

Pilersaarummut tapiliussamik atuuttumik atorunnaarsitsineq

Sumiiffik pillugu ullumikkut illoqarfiup ilaanut pilersaaruteqarpoq; Illoqarfiup ilaanut pilersaarut 2B2-1 (siusinnerusukkut Illoqarfiup ilaanut pilersaarut 2.14) Qeqertat, Illoqarfiup ilaanut pilersaarut 2B2-2, Qeqertani tankiisivik aamma Kommunimut pilersaarummut tapiliussaq 2B4-1, Qeqertani utaqqiisaasumik eqqagassaasivik.

Illoqarfiup ilaanut pilersaarut 2B2-1 (siusinnerusukkut illoqarfiup ilaanut pilersaarut 2.14) Qeqertat:

Pilersaarummi sumiiffiup avannaatungaata eqqakkanik arrortinneqarsinnaanngitsunik immiisoqarsinnaanera sumiiffiup ataatsimut isigalugu inuussutissarsiutinut siunertaqartunut atorneqarsinnaanera periarfissiisutigineqarpoq. Kommunimut pilersaarummut tapiliussamik matuminnga akuersissuteqarnikkut illoqarfiup ilaanut pilersaarut atorunnaarsinneqassaaq, tassami tassani aalajangersakkat ilaat kommunimut pilersaarummut tapiliussamut matumunnga ilanngunneqartussaammata.

Illoqarfiup ilaanut pilersaarut 2B2-2, Qeqertani Tankeqarfik:

Pilersaarummi tankeqarfimmik umiatsiaaqqanut angallatinullu mikinernut benzinamik, uuliamik gassimillu pilersuiffissamik pilersitsisoqarsinnaavoq. Kommunimut pilersaarummut

tapiliussamik matuminnga akuersissuteqarnikkut illoqarfiup ilaanut pilersaarut atorunnaarsinneqassaaq, tassami tassani aalajangersakkat ilaat kommunimut pilersaarummut tapiliussamut matumunnga ilanngunneqartussaammata.

Illoqarfiup ilaanut pilersaarut 2B4-1, Qeqertani Eqqagassaasiviugallartog:

Pilersaarummi eqqakkanut palitsikkuutaanut eqqagassaneersunik tamakkunungalu assingusunut eqqagassaasiviugallarnissaa periarfissiissutigineqarpoq.

Kommunimut pilersaarummut tapiliussamik matuminnga akuersissuteqarnikkut illoqarfiup ilaanut pilersaarut atorunnaarsinneqassaaq, tassami tassani aalajangersakkat ilaat kommunimut pilersaarummut tapiliussamut matumunnga ilanngunneqartussaammata.

TAMANUT AMMASUMIK OQALLINNEQ

Kommunimi pilersaarummut tapiliussaq piffissami 14.4.2014-miit 16.6.2014-mut tusarniaassutigineqarpoq

Sanarfinnermut Avatangiisinullu Ingerlatsivimmit ilassutaasumik oqaaseqaatit saniatigut, peqataasunit sisamanit tusarniaanermut akissutiniq tigusaqartoqarpoq

Kommunalbestyrelsip ulloq x.x.2014 ataatsimiinnermini kommunimut pilersaarummut tapiliussaq suliaraa ”Kommunimut pilersaarummut tapiliussaq 2B2-3, Qeqertat, Nuuk, Umiarsuarnut containerersortunut umiarsualivik” *siunnersuummut tamanut saqqummiunneqartumut tunngatillugu* annikinnerusumik *aaqqiisoqassanngippat* akuersissutigalugu.

Allannguutini pineqarput:

- Kommunimut pilersaarummi tapiliussami killiliussat iluanni aalajangersakkani pingaarnerni sukannernerusumik aaqqiinerit ataasiakkaat suliarineqarput ilaatigut:
 - pingaartumik sumiiffimmi aalajangersimasumi umiarsualivissatut siunertamut attuumassuteqartumik inuussutissarsiorfissatut.
 - sumiiffiup kujataata ilaa containerersortunut umiarsualivinngortinneqassaaq.
 - sumiiffimmi aalajangersimasumi immikkoortumi A-mi portunerpaamik 32,5 meteri, immikkoortuni B-mi E-milu 12 meteri, aamma immikkoortumi C aamma D-mi portunerpaamik init quleriit marluk sanasoqassaaq.
 - sumiiffimi illuliornermi sanaartornermilu mittarfimmut attuumassutillit akornuserneqannginnissaanut tunngasunut malittarisassat ataqqissavaat.

- taassuma saniatigut ataasiakkaanik aaqqissuisunit ataasiakkaanik naqqiisoqarpoq erseqqissaasoqarlunilu ilaatigut:
 - qullernik atuisinnaaneq avatangiisinut qaammaqqummik inngiananngitsumik.
 - Sanaartorfissaq 12 tankeqarfinngussaaq.

PILERSAARUMMUT TAPILIUSSAP INATSISITIGUT SUNNIUTAI

Inatsisigut inaarutaasumik sunniutai

Kommunimut pilersaarutip piviusunnngortinneqarnissaanut, tassunga ilanngullugu nunaminertanik atugassiinerni, kommunalbestyrelsimit sulissutigineqassaaq (*Pilersaarusiormut inatsimmi § 29*).

Kommunalbestyrelsimit kommunimut pilersaarummut tapiliussaaq inaarutaasumik akuersissutigineqarpat tamanullu saqqummiunneqarluni, taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut taamaallaat atorneqarsinnaapput imaluunniit sanaartorfigineqarsinnaapput kommunimut pilersaarummut tapiliussami aalajangersakkat naapertorlugit (*Pilersaarusiormut inatsimmi § 30*).

Immikkut pisoqartillugu malinninnginnerit annikitsut immikkut ittumik akuersissutigineqarsinnaapput. Malinninnginnerilli annerusut pitillugit tamanna nutaamik kommunimut pilersaarummut tapiliussamik pisariaqartitsissaaq (*Pilersaarummut inatsimmi § 50*).

Nunaminertanik, illunik atortunillu malittarisassat malillugit atuneq ingerlatiinnarneqarsinnaavoq. Akerlianik assersuutigalugu allatut atuneq imaluunniit nutaamik sanaartugaq kommunimut pilersaarummut tapiliussamut unioqqutitsisumik pisinnaangilaq.

Kommunimut pilersaarummut tapiliussami imminermi nunaminertat, illut atortullu ilaatinneqartut imaangilaq pinngitsoorani pilersinneqassasut.

Pilersaarutininut inatsit uani atuarneqarsinnaavoq:
lovgivning.gl


AALAJANGERSAKKAT

”Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq” naapertorlugu Kommunalbestyrelse matumuuna aalajangersakkat tullinguuttut makku aalajangersarpai.

Aalajangersakkat aalajangersakkanut pingaarnernut sukumiisunullu avitaapput.

Aalajangersakkat pingaarnertit tunngaviusumik pilersaarummiipput taamaattumillu aalajangersakkanit taakkunanga immikkut ittumik akuersissuteqartoqartoq nalunaarutigineqarsinnaangilaq. Inatsisit naapertorlugit sukumiisumik aalajangersakkanit immikkut ittumik akuersissuteqartoqarsinnaavoq, tamanna pilersaarummi tunngavinnut akerliunngippat.

AALAJANGERSAGAQ PINGAARNEQ

AALAJANGERSAKKAT PINGAARNERIT MAANNAKKUT ATUUTTUT	SIUNISSAMI AALAJANGERSAGASSAT PINGAARNERIT
Immikkoortup ilaata killeqarfilersorneqarnera	
	 <p data-bbox="810 1928 1442 1995">Tapiliussap matumap atuutilerneratigut immikkoortup ilaa takutinneqartut killeqarfilersorneqarpoq</p>

Sumiiffiup aalajangersimasup atorineqarnissaanut siunertaq
Inuussutissarsiutinut umiarsualiveqarnermullu siunertamut, pingaartumik umiarsualiveqarnermut siunertamut attuumassuteqartumik inuussutissarsiutinut.
Atuineq
<p>Sumiiffik aalajangersimasooq kujataa tungaaniittoq containerersorluni umiarsualiviusaaq, sumiiffiup avannaa tungaa suliffissuaqarnikkut, sullivinnik sanaartorfiussaaq, toqqorsivittut suliffeqarfiulluni allanillu umiarsualivimmut attuumassuteqartunik inuussutissarsiorfiulluni, kiisalu nunaminertat angallatinut nuannaariartaatinut umiarsualivittut aamma tankeqarfimmut nunaminertamut allissutaassalluni (angallatinut minnerusunut umiatsiaaqqanullu kiisalu qamutinut motoorilinnut tunniussinermi imarsiornermi isumaginnittut tunniussiviusaaq).</p> <p>Sumiiffimmi suliffeqarfinnik immikkut ittumik mingutsitsisunik pilersitsisoqarsinnaavoq.</p> <p>Sumiiffimmi sanaartukkat inissianut siunertanngorlugit sanasoqarsinnaanilu aaqqissuussisoqarsinnaangilaq. Taamaattorli akuerineqarsinnaavoq immikkoortoq C-mi isaaffimmik paarsisup illuata ilanngunneqarsinnaanera, suliffeqarfiup ingerlanneqarneranut makkua aalajangiisuussappata.</p> <p>Sumiiffimmi immikkoortoq immikkuualuttunut A – E-mut immikkoortiterneqarluni:</p> <p>Immikkuualuttoq A Qeqertami avallermi containerersorluni umiarsualiviliortoqassaaq, talittarfiliortoqarluni, allaffeqarfiliortoqarluni, nassiussalerveqarluni, umiarsualivimmut attuumassuteqartut inuussutissarsiutit soorlu sannaviit illorsuillu inissiivillu.</p> <p>Immikkuualuttoq B inissiiviusartussatut inuussutissarsiorfissatullu toqqarneqarpoq.</p> <p>Immikkuualuttoq C inuussutissarsiornermi suliffeqarfinnut, inuussutissarsiutinut umiarsualivimmut atassuteqartunut kiisalu nunaminertani inissiisarfissatut toqqarneqarpoq.</p> <p>Immikkuualuttoq D attaveqaqatigiinnermut sanaartugassat aamma siunissami Iggiaani angallatinut nuannaariartaatinut umiarsualivik allineqassaaq.</p> <p>Immikkuualuttoq E attaveqaqatigiinnermut sanaartorneqassapput sapusiaq, ikaartarfik, kiisalu ataneqarfissamut nunaminertamik immikkoortitsisoqassaaq.</p> <p>Ilanngussami 2-mi nunaminertat qorsummik takutinneqartut sanaartorfigineqassanngillat.</p> <p>Ilanngussami 2-mi nunaminertat kigartuusarlugit takutinneqartut qaartiterneqarsinnaapput nunaminertallu inaalitsivittut atorineqarsinnaallutik.</p>
Sanaartorfik
<p>Sumiiffimmi sanaartukkat atortulersuutillu sumiiffiup suminngaanniilluunniit isigineqarnissaa eqqarsaatigalugu ilusilersorneqassapput.</p> <p>Immikkoortoq A-mi illuliat portussusiisa nunap ilusaanit naammassineqartumit / immerneqarsimasumit ussersarlugu 32,5 meteri qulaassimassanngilaa.</p> <p>Immikkoortoq B-mi illuliat portussusiisa nunap ilusaanit naammassineqartumit / immerneqarsimasumit ussersarlugu 12 meteri qulaassimassanngilaa.</p> <p>Immikkoortuni C-mi D-milu nutaanik illuliortoqassaaq portunerpaamik init quleriit marluk.</p> <p>Immikkoortoq E-mi illuliat portussusiisa nunap ilusaanit naammassineqartumit / immerneqarsimasumit ussersarlugu 12 meteri qulaassimassanngilaa.</p>

Inissaq sinneruttoq
Immikkoortup ilaa 133 ha.-it missaannik annertussuseqartoq ilaatigut immiinikkut pilersinneqassaaq.
Eriagisariaqartunik eqqarsaatiginninneq
-
Nunaminertat piunasaqaatitalit
Napparussuit eqqaanni nunaminertat isumannaallisaaffiusut pillugit aalajangersakkat napparussuit toqqavianniit 15 meterit iluini ungaluukkanik innaallagiartortunik, bilinut nakkarnaveeqqutinik saviminiusunik allanilluunniit innaallagissamik ingerlatitsisinnaasunik ikkussuisoqarfiginagit ataqqineqassapput. Sumiiffimmi aalajangersimasumi illuliornerup sanaartukkallu mittarfimmut attuumassuteqartut akornusigaannginnissaannut tunngatillugu malittarisassat ataqqissavaat eqqortillugillu.
Angallanneq pilersuinerlu
Siunissami sumiiffimmi aalajangersimasumut nunamiit ikaarnissaq nutaamik aqqusinniornikkut aamma Qeqertaniit Borgmester Anniitap Aqqusernanut ikaartarfiliinikkut pissaaq. Sumiiffiup avannaaniit kujataanut nutaamik kuuffissualiortoqarsinnaannera qulakkeerneqassaaq
Illoqarfimmik nutarterineq
-
Immikkoortukkuutaat
Immikkoortoq A-mi talittarfiliorneq immikkoortukkuutaarlugu pisinnaavoq.

AALAJANGERSAKKAT SUKUMIISUT**§1 Sanaartukkat inissisimaffiat**

- 1.1 Ilanngussami 3-mi sanaartorfissatut takutinneqartuni taamaallaat sanaartortoqarsinnaavoq.
- 1.2 Ilanngussami 3-mi takutinneqartutut inuussutissarsiutinut umiarsualivimmullu siunertaqartunut sanaartorfiit aqqaneq-marluk atugassiissutigineqarput.
- 1.3 Nunaminertaq sanaartorfigineqartoq annerpaamik sanaartorfiup affarissavaa.
- 1.4 Sumiiffinni aalajangersimasuni A-E-mi portunerpaasussani oqaatigineqartuni kranit, pujoorfiit, antenit assigisaallu portunerutillugit sananeqarsinnaapput, mittarfimmi akornuserneqarani mikkiartoriusinnaasut, kiisalu BL atuuttoq tunngavigalugit (inuit angallannerat pillugu Angallannermut aqutsisoqarfiup aalajangersagai) ataqqineqassapput eqqortinneqarlutillu.

Immikkuualuttoq A

- 1.5 Sanaartorfissat sisamat atugassiissutigineqarput.
- 1.6 Sanaartorfissaq 1 umiarsuarnut containerersortunut talittarfimmut allaffitalimmut, quersuortalimmut sannavittalimmullu atugassiissutigineqarpoq.
- 1.7 Sanaartorfissat 2-4 umiarsuarnut containerersortunut talittarfiup allineqarnissaanut atugassiissutigineqarpoq.
- 1.8 Sanaartorfinni 1-4-ni sanaatukkat portussusiisa nunagissakkamit naammasseriikkamit / immikkamit tamakku portunerpaaffiit uuttorlugu 32,5 meterinit portunerussanngillat.

Immikkuualuttoq B

- 1.9 Sanaartorfissat arfineq-marluk atugassiissutigineqarput.
- 1.10 Sanaartorfinni 5-11-ni sanaatukkat portussusiisa nunagissakkamit naammasseriikkamit / immikkamit tamakku portunerpaaffiit uuttorlugu 32,5 meterinit portunerussanngillat.

Immikkuualuttoq E

- 1.11 Sanaartorfissaq 12 toqqarneqarpoq tankeqarfissatut, imarsiortunut tunniussivittut, angallatinut minnerusunut umiatsiaaqqanullu kiisalu qamutininut motorilinnut orussamik tunniussivittut.
- 1.12 Sanaartorfissaq 12-mi illuliat portussusiisa nunap ilusaanit naammassineqartumit / immerneqarsimasumit ussersarlugu 12 meteri qulaassimassanngilaa.

§2 Sanaartukkat silataasa isikkui

- 2.1 Sanaartukkat silataasa qalipaataat qillertuussanngillat imaluunniit eqqaamiuni sanaartukkanut akornutaasumik imaluunniit sumiiffiup ataatsimut isigineqarneranut takussunarsaataasumik utersaartitsisartunik atortulersuutitaqassanngillat.
- 2.2 Sanaartukkat tamarmik qaliaat qernertunik qalissialersorneqassapput. allagartarsualiisoqarsinnaavoq.

- 2.3 Sanaartukkami ataasiinnarmi suliffeqarfimmut illumiittumut attuumassuteqartunik taamaallaat allagartarsualiisoqarsinnaavoq.
- Allagartanut qaammaqqut atorneqarpat qaamana avatangiisinut, nunami, imaluunniit imaani, imaluunniit silaannarmi angallannermut akornutaassanngilaq.
- 2.4 Seqernup kissaanit uunnaaviit, seqernup qinngorneri illut ilaanut ilanngullugit taamaallaat ikkunneqarsinnaapput, illunut saniliusunut imaluunniit saneqquttunut imaluunniit avatangiisinut allanut inngiasutsitsissanngillat". Inissiineq Kommuneqarfik Sermersuumit akuersissutigineqassaaq."

§3 Aqquserngit, aqqusineqqat biilinullu inissiisarfii

- 3.1 Ilanngussami 3-mi takutinneqartutut aqqusinnermut pingaarnermut nunaminertamik atugassiisoqarpoq.
- 3.2 Ilanngussami 3-mi takutinneqartutut aqqusinnermut pingaanginnerusumut nunaminertamik atugassiisoqarpoq aqqusinnerlu "Aqquserniornissanut Pilersaarusiornermut Kommunimit ilitersuut" naapertorlugu suliarineqassaaq.
- 3.3 Aqquserngit pingaarnerp pingaanginnerullu isuini kaajallattarfiliortoqassaaq.
- 3.4 Aqquserngit pingaarnerp pingaanginnerullu qeqqiniit 10 meterinik ungasitsigisuni sanaartorfissanut titarsisoqassaaq.
- 3.5 Ikaartarfittaaq qaffasissumik kusanartuliortaaseq eqqorlugu pissuseqartillugu aamma ingeniørit malillugit suliarineqassaaq ikaartarfillu ataallugu imaatigut angalaneq qularnaarlugu
- 3.6 Upernaakkut sikup aserorternissanut isumatusaartumik periarfissat Ikaartarfiup takissusaata qularnaassavaa.
- 3.7 Qaammaqqut, qaammaqqutitut inngiananngitsoq, ilusilersuinerup ilaatut tulluarsarlugu suliarineqassaaq.
- 3.8 Nutaanik sanaartortoqartillugu matuma ataani biilinu inissiisarfiliornerni malittarisassat naapertorlugit biilinu inissiisarfiliortoqassaaq. Allaffinnut 50^{m²}-imut biilinu inissiisarfik ataaseq. Peqqumaasivinnut sannavinnullu 100^{m²}-imut biilinu inissiisarfik ataaseq.
- 3.9 Siunissami biilinu inissiisarfiliat nunaminertanik atuisussaataasunit akilerneqassapput, taava pisuni ataasiakkaani Kommuneqarfik Sermersuumi sulisut siunersiorneqartassapput.

§4 Teknikikkut atortulersuutit

- 4.1 Sumiiffiup avannaaniit kujataanut nutaanik kuuffissualersortoqassaaq.
- 4.2 Sanaartukkat nutaat pisortat innaallagissamut, imermut kuuffissuarnullu attaveqaataataannut attavilerneqassapput.
- 4.3 Imeq nunap qaaniittoq kuuffissuarnut kuutsinneqassanngilaq kisanili sumiiffimmi sanaartukkanut, aqqusineqqanut, aqqusinnermut nunaminertanullu sanaartorfigineqanngitsunut ajoqutaanngitsumik kussiamut kuutsinneqassalluni.
- 4.4 Sumiiffimmi teknikikkut atortulersuutinik soorlu sumiiffimmi najugaqartunut pilersuutinik transformatoriisivinnik inissiisoqarsinnaavoq. Transformatoriisiviit Nukissiorfiit Kommuneqarfik Sermersoorlu siunersiorlugit ilusilersorneqassapput inissinneqarlutillu aamma sumiiffik ataatsimut isigalugu takussunarsaataanngitsumik inissinneqassapput.

§5 Nunaminertat sanaartorfigineqanngitsut

- 5.1 Silami inaalitsivissatut nunaminertat ungaluukkanik pukkinerpaaffimmikkut 3 meterinik portunerpaaffimmikkullu 4 meterinik portutigisunngorlugit ungaluneqassapput.
- 5.2 Nunaminertat sanaartorfigineqanngitsut saligaatsuutinneqassapput aammalu svisunerusumik inaalitsivittut atorneqassanatik.
- 5.3 Nunaminertat sanaartorfigineqanngitsut, qalliutit aqqusinernullu atortut sanaartorneq allanilluunniit suliaqarneq pissutigalugu aserorsimasut ilusaattut ilerseqqinneqassapput.
- 5.4 Nunaminertami tunniunneqartumi sanaartornissamut periarfissanik killiliisut, erngup immikkullu aqquataasa kiisalu kussiat kingunerinik, najukkami sumiiffiup aalajangersimasup pisariaqartumik kussiornissaanut il.il. akuerineqassapput.
- 5.5. Nunaminertani sanaartorfiunngitsuni, nunaminertani uninngaffissiani il.il. qaammaqputit avatangiisinut inngiananngitsumik qaamaneqassapput.

§6 Piginnittut peqatigiiffiat

- 6.1 Sumiiffimmi ataatsimut soqutigisat isumaginarlugit peqatigiiffiliortoqassaaq. Peqatigiiffiup sumi najugaqarnini pillugu Kommuneqarfik Sermersooq ingerlaavartumik ilisimatittassavaa. Peqatigiiffik aqqusinernik, biilnut inissiisarfinnik, aqqusineeqqanik, illoqannginnersanik nunaminertanillu sanaartorfigineqanngitsunik ingerlatsinernut aserfallatsaaliuinernullu (ukiukkullu aputaajaasarnernut) akisussaasuvoq.
- 6.2 Sumiiffimmi nunaminertanik atuisussaataasut peqatigiiffimmut taassumunnga ilaasortaassapput.

§7 Atuilernissamut piunasaqaatit

- 7.1 Sumiiffimmi attaveqaatinik aamma biilnut inissiisarfinnik naammattumik amerlassuseqartunik pilersinneqartussaataasunik pilersitsisoqarsimatinnagu sanaartukkat nutaat atorneqalersinnaanngillat.
- 7.2 Nunaminertat sanaartorfigineqanngitsut, qalliutit aqqusinernullu atortut sanaartorneq allatulluunniit suliaqarneq pissutigalugu aserorsimasut iluarsineqariinngippata sanaartukkat nutaat atorneqalersinnaanngillat.

§8 Sanaartorfigissaanerit

Imm. 1. Sumiiffimmi sanaartorfigissaanernut aningaasartuutit akilersuineranut ileqqoreqqusami immikkut ittumik takuneqarsinnaasunngorlugit sanaartorfigissaaqataasunut agguataarneqassapput.

AKUERSISSUTEQARNERMI ATSIORNERIT


"Kommunimut pilersaarummut tapiliusseq 2B2-3, Qeqertat, Nuuk, Umiarsuarnut containereer-sortunut umiarsualivik" manna matumuuna Kommuneqarfik Sermersuup Kommunalbestyrelsanit ulloq 28.10.2014-mi akuersissutigineqarpoq.

Kommuneqarfik Sermersooq, ulloq. 28.10.2014



Asii Chemnitz Narup

Borgmesteri



Steffen Ulrich-Lynge

Pisortaaq

Kommunimut pilersaarummut tapiliusseq ulloq 29.10.2014 inaarutaasumik atuuttussamik tamanut ammasumik nalunaarutigineqarpoq.

